

28րդ դնդի երկու գումարտակ. Բարդուսում՝ 28րդ դնդի մէկ գումարտակ և 20րդ դնդի մասեր. Խորոսանում՝ 12րդ դիւիզիայի սպայակոյտը — հրամանատար Սալիլ բէյ. Զիւլինում՝ 34րդ գունդը. Քեոփրիքէոյում՝ 35րդ գունդը. Ալաշկերտում՝ 36րդ գունդը: Օլթիի ուղղութեամբ շարժուած էր Սալիլ բէյի երրորդ դիւիզիան — 7, 8 և 11րդ դնդերը: Տրապիզոնի և Էրզրումի միջև նկատուած էին 31րդ դիւիզիայի մասերը: 11րդ դիւիզիայի կենտրոնը, ինչպէս և 18րդ գունդը՝ Բայազետում. 32րդ գունդը՝ Վանում. 30րդ գունդը՝ Բայազետ-Արշայում: Բացի այդ Մերդենեկի շրջանում կային 1200 հոգի անկանոն կուռղներ. Օլթիում՝ 350 ժանդարմներ. Օլթիից դէպի հիւսիս՝ 1500 հոգիոց չէթա. Հասան-Ղալայում՝ 1600 կամաւորներ. Տրապիզոնում՝ 300 ժանդարմներ. Լազիստանում՝ լազ կամաւորներ:

«Թան»-ի զինւորական թղթակցի ասելով, 1920թ. ամառուայ վերջը, արևելեան նահանգներում թիւրքերն ունէին 3րդ, 13րդ և 15րդ կորպուսները ընդամենը՝ 50,000 հեռակա, 2,600 այրուծի և 306 հին ձեռի թնդանոթ: Ուրիշ զինւորական հեղինակութիւններ Հայաստանի դէմ գործող թիւրք բանակը ցոյց էին տալիս՝ 3րդ, 9րդ, 11րդ, 12րդ և խառն դիւիզիաները, երկու աշիրէթական դնդեր, մի բրիգադ այրուծի, այսպէս կոչուած ազրբէջանեան ձիաւոր հարիւրեակը, թրքական և քրդական հրոսախմբեր և այլն: Կանոնաւոր զօրքերի թիւը հասնում էր 28,000-ի, որից 3,000 ձիաւոր: Զօրքը պարենաւորուած էր շատ լաւ, ունէր առատ ուղմամթերք, տաք հագուստ, որ ստանում էր իտալացիներից, Փրանսացիներից և Խորհրդ. Ռուսաստանից:

Նման անհաւասար պայմաններում սկսեց պատերազմը: Հայաստանը լարեց իր բոլոր ուժերը: Սեպտ. 30-ին, կառավարութիւնը արտակարգ նիստում, երկիրը յայտարարեց զինւորական դրութեան մէջ: Մինչև 35 տարեկանները դէնքի տակ առաւ: Խիստ օրէնքներ սահմանեց դասալիքների դէմ: Զինւորական նախարարութեան տւեց արտակարգ լիազօրութիւններ, նրան ենթարկեց երկաթուղիները, ռադիօ-կայանները և փոխազրութեան միջոցները: Որոշեց, արագացնելու համար կառավարութեան գործունէութիւնը և շրջաններում հեղինակաւոր ներկայացուցիչներ ունենալու նպատակով, նախարարների մի մասին և մի շարք գործիչներ ռազմաճակատ և գաւառներ ուղարկել: Ալեքսանդրապոլ ուղարկեցին Ա. Ջամալեանը և Գ. Ղազարեանը, Կարս՝ Ս. Վրացեանը և Ա. Բարալեանը, Սուրմալու՝ Ս. Արարատեանը, Ղազախ՝ Ա. Գիւլխանդանեանը, Նոր-Բայազետ՝ Ս. Մելիք-Յոլչեանը, Աշտարակ՝ Խորհրդարանի անդամներ՝ Յ. Տէր-Յակովբեանը և Հ. Տէրաէրեանը: Կենտրոնում մնացին՝ Հ. Օհանջանեանը և Ռ. Տէր-Մինասեանը: Կառավարութիւնը մի սրտառուչ կոչ ուղղեց ժողովրդին: Զինւորական նախարարի հրամանով Երևանի և Կարսի հրապարակներում կանգնեցրեց կախաղաններ: Կառավարութեան հետ միասին ամբողջ երկիրը ևս լարում էր իր ուժերը զիմադրելու համար իր թշնամուն:

Արտասահմանեան հասարակութեան մէջ այն կարծիքն է տիրում, որ թիւրքերը, առանց որևէ արգելքի հանդիպելու, յաղթեցին հայերին, որ